



22270

III

Mag. St. Dr. P

H. Komp

Kuhn Pauer

Loc. Jesu Cras. Coll. Trophaeum Regale potent  
tissimo Poloniarum et Suesoniarum Regi  
Vladislao IV.

PANEG. et VITAE

Polon. Fol.


Æ. 1529.



Biblioteka Jagiellońska



stdr0004651





TROPHÆVM

REGALE

POTENTISSIMO

POLONIARVM ET SVECORVM

REGI

VLADISLAO IV.

CRACOVIAM

ANTIQVISSIMVM SARMATICI IMPERII  
DOMICILIVM

SACRO SOLENNIQ. REGALIS INAV-  
GVRATIONIS DIE

AVGVSTI

A Cracouiensi Collegio

SOCIETATIS IESV

D. D.

CRACOVIAE,

In Officina Typographica Francisci Cæsarij,  
Anno Domini M. DC. XXXIII.





VT ANIMOS OVICIAT  
In Officio Typographico Francisci Celsij  
Anno Domini M DC XXXIII O TRO



DA VIAM, SARMATIA,  
CVI NIHIL INVIVM NATVRA SEPOSVIT:  
EFFER MOLES SVBLIMES,  
ALTVS PER DEPRESSA INGREDITVR CAPITA:  
*MOSCHOVITICA, OTHOMANNICA, MYSVRMANNICA,*

HIS GRADIBVS  
AD SOLIVM EVADIT, ET CORONAM;  
*ID REGIVM EST, POLONVM EST, IAGELLONIVM EST.*  
VT ABSINT STRATA PURPVREA,  
SVFFICIT BARBARORVM CRVOR  
QVONDAM SALVTI PATRIÆ PROPINATVS.

IMMO  
*ET SANGVINEM HABET, QVI SOLVS NVNC SOLIA TENET.*  
QVID NATIVA ILLA CORDIVM PURPVRA?  
*OMNIVM TRAXISTI GENTIVM CORDA, ET VOTA,*

MAGNE WLADISLAE,  
VNVS ES, QVEM REGEMELEGERE SVPERI  
VNO ORBIS TERRARVM SVFFRAGIO.  
DEERAT HOC TVIS VICTORIIS,  
VT ANIMOS VINCERES:



O TROPHÆVM,  
IN CVIVS SPOLIIS NVMERATVR  
CAPTIVA SVA SPONTE LIBERTAS.

IS MIHI VERE PRINCEPS,  
CVI SVBDITI PENDVNT  
AMORIS TRIBVTVM.

IMPERARE MVLTIS CONTIGIT,

*VNI TIBI, QVOD SCIAMVS, ITA VOLENTIBVS IMPERARE.*

MAIESTATEM ALII QVÆRVNT ET REGNA,

*TE REGNVN VLTRO QVÆSIVIT, ET MAIESTAS.*

I, VICTORVM FORTIS<sup>me</sup> AC FORTVNATIS<sup>me</sup>

*MERITAM TRIVMPHIS CORONAM IMPONI PATERE*

QVACVNQVE INCESSERIS

ITER IAM TVA STRAVIT MANVS;

TVA SVNT TROPHÆA

QVAS INTRANTI OBVIAS MOLES VIDES.

QVIDNI VIDEAS?

IN OCVLIS EVROPÆ SVNT

TVO BELLATORIS FERRO

NON COELO ARTIFICIS ELABORATÆ.

NON



NON EGET HEDERIS ALIENIS

QVEM SVÆ ORNANT LAVREÆ:

*HINC MOSCHORVM APPENSA NON STERILI TRVNCO ARMA,  
INDE TVRCARVM EXVVÆ INDVVNT ÆQVALEM QVERCV;*

SI CVLMEN POSCES,

ENSEM TVVM IMPONE.

SED ET PACIS ASSERTORI

*ADDET, CVM VOLES ÆTHER IPSE ARCVN PACIS,  
NAM ET BELLII PRÆSIDIA DABAT, CVM VELLIS:*

MILITAT OMNIS VIRTVTI MANVS.

VNA HÆC PRINCIPVM FELICITAS EST  
SVAM VBIQVE FELICITATEM INVENIRE, AVT FACERE,  
NEC MAGNÆ FORTVNÆ INDIGENT MAGNI ANIMI,  
IN MANIBVS FORTVNAM FORTES GERVNT.  
SINT ALII LVDVS FORTVNÆ, FORTVNA TIBI EST

FORTVNATISSIME VLADISLAE,  
MOSCHOVIÆ TELLVREM VIX PEDE PRESSERAS,

CVM OPPRESSISTI;

PENE PRIVS IMPERANTEM SENSIT

QVAM VIDIT PRÆSENTEM:

CORONAM



CORONAM OBTVLIT SVPPLEX,  
QVIA NEC POLONVM, NISI SVBIECTIONE, DEBELLARI SCIEBAT,  
NEC TE ACCEPVRVM REGNA, NISI ROGATVM.

OMNINO CARET ÆMVLIS VIRTVS  
QVAM HOSTIS ORNAT.

ARMA REBELLIVM CONTRA TE POTVERVNT  
QVOD MVCRO STELLATI ORIONIS  
CONTRA SOLEM ORIENTEM;  
ASTRA HÆC ET CASTRA EXTINGVIS, DVM ASPICIS,  
NOBIS ORIENS.

HOSTI TERROR, ET OCCASVS.


SED MOREMVR PAVLISPER ET MIREMVR  
MATVRVM IN IMMATVRA ÆTATE MARTEM,  
TV VEIVSQUE CRVENTIS ARIS  
CORONAM LAVREAM VOLENTES LIBENTES QVE

APPENDAMVS.

TV, REGVM SERENISSIME,  
Luctibus hîc absiste, parê taliq; cupresso  
Nuper solutas impedi lauro comas.

COLLIGE,





COLLIGE,  
ET COLLIGA  
FLORENTIS ÆVI MESSEM  
NVNQVAM SENESCENS VIRTVS.  
FELICES THOROS COMPOSITO,  
NISI FASCES MALIS IAGELLONIOS.  
GERMINA ÆTERNVM VIRENTIA  
DABIT ILLE GELVHYPERBOREORIGENS  
*TAVRVS, ET ÆTERNO DAMNATI FRIGORE COLLES.*  
QVOTGVTTISMOSCHOVITICVSCRVOR  
ARCTOAM RVBEFECIT CANITIEM,  
ARCTOAM MOLLIVIT DVIRITIEM  
BELLANTE VLADISLAO,  
TOTPVLLVLARVNT LAVREÆ,  
TOTPURPVRE, TOTPALMÆ  
VICTORI VLADISLAO.  
HINC SERTA NECTE, VIRTVS,  
NE TÆNIAM QVÆRAS, CAPE  
ÆTERNITATIS  
ORBEM.



P Æ A N  
TRIVMPHALIS  
MOSCHORVM DOMITORI.

Quis alati Boreæ niuofas  
Te locet pennas super, & iugali  
Subuehat Coro, medijsque sistat,  
Lechia, stellis;

Quà Trionali patrius superbit  
Bosphorus curru, attonitasque, & vltra  
Ire iam segnes renuente loro

Increpat Vrsas:

Bella mirari tua bella posses:  
Vt VLADISLAVS trepidis theatrum  
Explicat campis, auidamque scenæ  
Distinet Arcton!

Ecce, monstrares, rutilæ decorus  
Emicat fulgor galeæ, comatam  
Ceu leuat frontem Libanitis inter  
Cedrus oliuas;

Vt per obstantes rapitur phalangas  
Cernuus? latos vt agit rotato  
Limites ferro prior, & cruentum  
Depluit imbrem.

Fracta collisis riget aura contis;

Attremit



Attremit motæ dubius procellæ  
Taurus, arrecti vario sequuntur  
Murmure colles.

Sic vbi toruæ maculosa Lunæ  
Hauriens cornu Oceanum supino  
Fæta nimborum facies recepto  
Palluit Austro

Hinc & hinc surgit fragor, inuolutos  
Imbribus frendens ruit æther ignes:  
Rugit emoto tremefactus omnis  
Cardine mundus:

Noster haud primos aliter tumultus  
Excipit Mauors. niger cuibrato  
Grandinat plumbo polus, igneoque  
Rupta tonitru

Aura complofas gemit inter hastas:  
En pharetrarum seges! en micantum  
Concrepant ictus gladiatorum, & omnis  
Taurica fumat!

Ipsè per tristes gradiens acervos  
Funerum Victor numerat recentes,  
Lechicâ palmas frameâ, atque clades  
Cladibus auget.

Inde nitrata malè tectus vmbra  
Trux MAISTRVGVS taciturna morfu  
Labra castigat; sequitur fugacem  
Pæna Tyrannum.

B

Alter



Alter, hinc, noctes petit irrepertas;  
Utque deprênsus stabulis pudorem  
Prædo mentitur lupo exprobranti  
Furtâ colono.

Sic inaccessi latebras MOSAISI  
Linquere inuitus dat & huc, & illuc  
Mobilem gressum: sed & hinc, & illinc  
Verbera terrent.

It catenato numerosa collo  
Moscuæ pubes, rubra concolori  
Terra iam riuo calet, erubescit  
Sanguine Pontus.

Quæ Tibi, quæ mens foret hæc tuenti?  
Perge, clamares, animose, perge,  
Duplica lauros, stet honora toto  
Purpura ferro.

Ara iam stellis Tibi surgit istis:  
Huc renidentis quoties sepulchro  
Moscuæ fumus veniet, Sabæas  
Vincet acerras.

Sume, quam victâ Boreas Coronam  
Fert Tibi dextrâ: Diadema maius  
Ipsa dum tantis paro Magne VLADIS-  
-LAE triumphis.

HÆC



HÆC BELLORVM EXTREMA FVISSENT ALIIS,

SED TIBI RVDIMENTA.

TERRORI OMNIVM NATIONVM

TERROR DESTINABARIS;

ORBE TERRARVM HAVSTO

SVVM COMPLETVRA ORBEM

LVNA TVRGICA VIDEBATVR:

SED PRÆSTO ERAS

QVI COEVNTIA EVROPÆ DISSIDIIS CORNVA,

SI HASTA NON LICERET,

OBIECTV LATERVIM IMPEDIRES.

TOTAM IN NOS MOVERAT AVRORAM

TVNC MVNDI PAVOR, NVNC FABVLA OSMANNVS;

*EAM TV RVBERE DOCVISTI*

*SVO VEL PVDORE, VEL SANGVINE.*

VIRIS, ARMISQVE PODOLIE CAMPOS OBTEXERAT:

*VT ESSET, VNDE AGGERES POLONIA HABERET.*

VNO IMPETV SARMATIAM A SE STERNEN-  
DAM BARBARVS OMINABATVR,

*VNO A TE STRATA EST, STRAGIBVS BARBARORVM.*

SECVLA TOT ALIOS DEFECISSENT,

QVOT TIBI SATIS ERANT AD VICTORIAM DIES.



DIVTVRNA ALIORVM BELLA SVSPICIMVS,

DE TE DVBITAMVS

VIDERISNE HOSTEM PRIVS, AN VICERIS?

NON PVTARES TE VICISSE

*NISI MORTALIVM OPINIONEM VICTORIAE CELERITATE VICISSES.*

REGIA VIRTVS

MVLTVRVM IN SESE COMPENDIA GERIT.

TAM ERAT OMNIBVS INCREDIBILE

TANTAM BELLI MOLEM SVSTINERE:

QVAM TIBI FACILE

TANTA DELERE RVINA.

QVIDQVID HVMANAS EXCESSIT VIRES

TVAS NONDVM ASSEQVITVR.

NEC ALIVD HOSTEM SOLATVR

QVAM AB HAC MANV ACCEPTA CLADES.

PVDVISSET ALIVM NON VINCERE,

A VLADISLAO VINCI NON PVDET.

FATALE HOC TVRCIS NOMEN:

TERRVIT AMVRATHVM IN AVO,

PERDIDIT OSMANNVM IN NEPOTE.

CRESCE



CRESCE, SI POTES, LVNA OTHOMANNICA,  
SED MENSTRVÆ PAVPERTATIS MEMOR.  
LECHICI SOLIS OCCVRSVM, VEL DVM ORITVR, CAVETO:  
MINVI LVNA SOLET, QVOTIES ORIENTI VICINA.

ILLVSTRIS ET PLENA VIDEBARIS  
QVAMDIV AD HVNC NON ACCESSISTI.  
QVANQVAM NEC ACCEDERE AD SOLEM LVNA POTVIT  
NISI VT SVBIICERETVR.

ERGO ETHIC REGALI TROPHÆO SVBSTERNERE,

VIDEAT SVBDITAM

(SI VIDERI DELETA POSSVNT)

CVI NIHIL EST, QVOD IAM INVIDEAT.

ASSVRGE, ASSVRGE ÆTERNA MOLES,

SEV ARMIS BARBARORVM VOLES CRESCERE, SEV ACERVIS:

Terribili frontem velabit crine Cometes

OSMANNI quondam fato succensus; & olli

Tæda sepulchralis, Tibi, VLADISLAE, futuri

Auspex Imperij: Victores inde Polonos

Fortè requirenti propius narrabit Olympo.





HIC  
FVRORI

OTHOMAN-  
NICI LINES  
ÆTERNVS  
ESTO: BVSTVM  
BARBARIÆ EST,  
QVOD CALCAS,  
VIATOR. CECIDIT  
HAC IN VALLE OSMAN-  
NVS GLADESVA MAGIS  
QVAM IMPERIO TERRA-  
RVM ORBI NOTVS. IBI  
DELETÆ AB EVROPE DE-  
FENSORE VLADISLAV TOTIVS  
ASIE INGENTES COPIÆ FRV-  
STRA COMMVNI SEPVLCHRO  
DVCTORIS VMBRAM CELATV-  
RÆ. NEC PROCVL ABEST IMPER-  
MISTVS PROFANO CINERI HERO-  
VM SANGVIS. EHEV! STANISLAVS  
ILLE ZOLKIEVIVS IBI VITAM AMISIT,  
VT INVENIRET POLONIA; VICTVRVS,  
NISI VINCERE MALVISSET. IBI  
CAROLVS CHODKIEVICIVS VI-  
CTOREM EFFVDIT SPIRITVM,  
VT PATRIÆ INSPIRARET. IBI TOT  
FORTES ANIMÆ, TOT STRENVV BELLATO-  
RES, QVORVM EVVNERIBVS PLYS  
GLORIÆ, QVAM SANGVINIS MANAVIT.  
SECREVIT HOS TANDEM CINERES  
MAGNI VLADISLAVI DEXTRA: ET INDE  
BARBARIÆ MONVMENTVM, HINC PERENNE  
SARMATIE MVNIMENTVM EXTARE IVSSIT.



# TVRCARVM DEBELLATORI

## JO TRIVMPHE.

**N**Am quæ labantis pondera digniùs  
Fulcire mundi dextra, vel aurei  
Currûs anhelantem Bootæ  
Odrysiam cohibere Lunam

Tutasque possit nomine Lechico  
Sepire terras, & Mareoticos  
Titanas amoliri, & Orbis  
Perpetuos reparare vectes :

Quam barbarorum cladibus agminum  
Enata Virtus? Te rigidis super  
Cunis trophæorum reclinem  
Plausus ouans, roseoque Mauors

Lactauit imbri. diceris inuido  
Mouisse fletum Taygeto, dies  
Cum prima, VLADISLAE, membris  
Supposuit clypeum supinis.

Hinc sæpè caris obruit arcubus,  
Idemque dextrâ sustulit horridâ  
Per signa reptantem, & cruoris  
Intrepidum, intrepidumq; ferri,

Ac



Ac dura Mauors per galeam sacro  
Libauit ori basia, & apprimens  
Cordi molesto, ferreisque  
Pectoribus, gladioque mulcens:

O cresce, fatur, cresce rebellibus  
Terror Gelonis. Te sibi barbarus  
Expectat Othrys, vindicemque  
Accidius trepidat Cythæron.

Obsessa dudum Te Lapithis vocant  
Pangæa sæuis. Te iuga supplicis  
Hæmi, coronatæque faxis  
Culmina Te Rhodopes adorant.

Hastâ proteruum Tu mihi vindice  
Turbabis Istrum, Bistonio niues  
Tabo colorabis, metuque  
Ismarium glaciabis Hebrum.

Attollet olim Cynthia Thracios  
Irata vultus, & Borealibus  
Adiuta fulgetris subactis  
Excidium properabit Orbi.

Sed Tu, reuulso qualiter euolat  
Immugientum carcere nubium  
Fatale telum, quod corusca  
Per medios rapit ira nimbos:

Ibis profanæ magna superbiæ  
Clades, & omnem turbinibus procul  
Vastabis Arcton. heu! proterua  
Æmonia date colla tures.

Iam



Iam calua cæso vertice collibus  
Ehem, propinquis fit Rhodope iocus ;  
Frustraque deplorabis Hæmum,  
Caucase, iam capitis minorem.

Ferire metas non humiles solet  
Præclara Virtus. Cornua barbaræ  
Cauete Lunæ, fulminantem  
Odrysiæ iuuat ire cælo.

Osmanne, Fatis ludibrium tuis  
Hac, hac peribis dextrâ, Othomannicos  
Hæc franget insultus, Polonis  
Hæc dabit Inferias sepulchris.

Non vſitato flumine te tuus  
Deflebit Hebrus, cum Geticas vehens  
Strages pigrescet, decolori  
Ipſe ſibi metuendus æſtu.

Io, ter Hæmum, ter Rhodopen ſacris  
Nutâſſe pinnis cerno, ter ignium  
Effulgurantum tortuoſas  
Emicuiſſe procul ſagittas.

Regnabis olim Martia Martij  
Proles Parentis: ſed prius horridos  
Fuluum reformabis Coronæ  
In pretium gladios futuræ.





O COELEM VICTOREM!

NAM ET STELLAS IN TRIUMPHO DUCIT;

NISI TITIONIBVS INSIGNIRE MALIS

BVSTVARIVM SCYTHARVM GREGEM

SED STELLÆ SINT

QVARVM ASPECTVS VEL ROMA SEMPER EXHORRVIT

CVM VTRAMQ. SOLIS DOMVM TENERET.

IAM OCCIDERE COGVNTVR, VEL EXTINGVI,

QVIA LVNÆ TVRCICÆ SE QVACES.

COGIT VLADISLAVS:

QVIA SEPTENTRIONIS DOMITOR,

QVIA SOL EST PERDERE NATVS ASTRA MINORA.

NVNQVAM LVXISSET PODOLIA,

NISI ALIQVANDO HIS STELLIS LVXISSET;

NEC OMINOSIVS QVIDQVAM ACCIDIT

QVAM ERRONVM HVIVSMODI CVM LVNA CONIUNCTIO.

SED REPERIT ATLANTEM

QVI HVNC ZODIACVM VERSAT,

Ipsedominatur Olympo

Confestimq̃ue iubet natas occumbere stellas.

QVIDNI




QVIDNI IMPALLESANT HÆ STELLÆ  
DVM VIDENT SOLEM ORIENTEM?

OLIM PERIISSENT  
NISI LUCERENT ALIENO.  
COLLUCERE SOLI IAM POSSENT,  
SED NOCTEM AMANT.

AN NON STELLÆ,  
*QVÆ ITA LVNÆ OTHOMANICÆ FAMVLANTVR?*  
IMO INTEREVNT PARI OCCASV.  
DESPICE HÆC ASTRA, VLADISLAE,  
IAM SVB PEDIBVS HABES.  
EIA, CONVOLVE SIGNA LVNASQ. TVAS,  
ERRATICA PLANETARVM COHORS,  
*ET SI QVID MONSTRORṼ IBI VEL ARMORṼ AGNOSCIT MATHESIS,*  
*CVNCTA SVB NOSTRI HERCVLIS PEDES EANT.*  
*DEBET HOC TIBI INFLAMMATVS ORBIS,*  
*VT ROGVS QVOQVE TIBI AB ORBIS VINDICE CONSTRVATVR:*

Inde triumphalis confurget in astra Colossus,  
Dædala quem tornat Virtus, quem Gloria comit  
Astrigeraq; locat Borealem fronte Coronam.





IN SPOLIUM

DE MUNDI PRÆDONIBVS.

EREXIT HOC MARMOR

DEPRESSA IMMANITAS;

CVM

SCYTHICO FVRORE

CRVORE SCYTHICO

LITARET,

AVREAMQ. LIBERTATEM

FERRO EMERET

EVROPÆ LIBERATOR

VLADISLAVS.

ADORA, HOSPES,

ET BARBARORVM INTERITVM

ORTA IMMORTALITATE.



# T E R R O R I S C Y T H A R V M

## PLAVSVS TRIVMPHALIS.

**Q**uid fumantis adhuc Barbariæ rogam  
Voluit sanguineo turbidus alueo?  
Arctoanæ satur cæde Borysthenes  
Hauſto conſtitit aggere?

Differtur rapidis præpes Eteſijs,  
Mirantiq; polo figit adorceas  
VLADISLAE, Tuas, & vaga Lechico  
Terret ſidera claſſico,

Æternumq; globis ſcribit in aureis  
Carmen gnara ſtyli Fama adamantini:  
Et sæuæ memorat prælia Thraciæ, &  
Sæuæ funera Thraciæ.

Qua cæli rigidus parte ſtat Hercules,  
Et clauâ domitiæ vulnus adhuc Hydræ  
Sublatâ minitans non gladio ſatis  
Tutum terret Oriona;

Depingit tetricum Tartariæ caput:  
Circum vipereæ colla tremunt comæ,  
Scintillant oculi, terrificum cauis  
Fulmen ſurgit hiatibus;

At Phœbo genitâ luce ſerenior



Læuâ sacrilegam Diuûm aliquis iubam  
Prensans implicita Sarmatico efferum  
Detruncat gladio caput.

Hic, trudit vigiles fons vbi vitrei  
Vndas Eridani, sideribus graue  
Attollitque vadum, & supplicis ignea  
Cœli rura perambulat,  
Deleto rubrum substituit Pado  
Istrum, quem galeis aspera barbaris  
Armorumque frequens vnda natantium  
Stellis donat inermibus:

Sic, inquit, Geticis ille vorâginem  
Implebat refugam sæpe cohortibus,  
Cum iussus Lechicâ sanguineum manu  
Vectigal daret Aëquori.

Hic, manantis vbi lactea circuli  
Diffundit rutilum semita vorticem,  
Et Cygni, propius dum volat, æmulo  
Pennas lumine prouocat:

Fulgentem riguo sanguine tramitem  
Captiuique notat littora Phasidos,  
Quæ præter niueis clara iugalibus  
Cœlos Gloria peruolet.

Ac tandem gelido Bosphorus effedo  
Iungi difficiles frænât vbi feras,  
Sertumque è nitidis compositum ignibus  
Orbi deligat aureo:

Dantem



Dantem laurigeris fræna leonibus  
Victorem spatio ducit eburneo,  
Stellatumque sacro, non sine Plausibus,  
Sertum vertice collocat.

Tum splendente Lynam deripit æthere  
Dulces Strymonij reliquias metri,  
Et carmen populis narrat, & viribus  
Carmen narrat amabile:

Victori ter Io sidera dicite,  
Vos ruci-lituos promite turbines  
Victori ter Io dicite, vos pia  
Euri, stringite classica.

Iam paret Boreas, Moscua cladibus  
Sat iam fessa suis. Thraciæ adhuc pauent  
Te Lunæ: inque suis vulneribus Scythes  
Annos dinumerat Tuos.

Sic Vinas Lechici gloria Nominis  
VLADISLAE. Tuas Balthica littora  
Narrent Oceano, narret adoras  
Euxino Tanais tuas.

Victori ter Io tympana constrepant,  
Victori ter Io classica consonent,  
Victori ter Io plectra Polonica  
Et ter pectora concinant.





TROPHÆVM ALTIVS NON REQVIRAS  
MAGNE VLADISLAE,

IAM VIRTVS TVA, QVO PERGAT ALTIVS, NON HABET.

IS PER TRIVMPHOS AD CORONAM:

NVLLI REGVM PRÆCLARIOR ASCENSVS.

RÊGNVM ALTIS DONVM EST, TIBI MERCES.

MINVS REDDIDIT POLONIA, QVAM DEDISTI.

DEBET HOC TIBI LIBERTAS

QVOD NVLLI DEBEAT;

SERVIRE VNI PARATA

PER QVEM, NE VLLI SERVIRET, EFFECTVM.

FRVSTRA IVGVM MOLIRIS, SCYTHIA,

OLIM SVBIVGATA;

EST CONTRA VINCVLÀ, NODOSQ, GORDIOS

GLADIVS ALEXANDRI.

NIHIL ITA EXPERS IVGI, VT AQVILA.

POLONIS GRATIOR EST LIBERTAS SINE VITA,

QVAM VITA SINE LIBERTATE

ET TV,



ET TV, LVNA TVRCICA,

TVIS CORNIBVS CAVETO:

NVNQVAM LVNA SOLI ADVERSA EST

QVIN ECLIPSIM PATIATUR

TVQ. IN FATIS HABES

VT HIC OCCIDAS, QVOTIES ORIRIS.

AT TV, SI AVDES, MOSCHOVIA

VIRES ET VIROS COLLIGE;

MAGNO APPARATV EST OPVS

AD MAGNAM CLADEM.

NE DVBITA

LIBENTES IN TAVRVN VOLANT AQVILÆ.

AN FIDIS EQVITI

CVI NIHIL EST, QVOD DETRAHATVR?

SI TYRO NON HORRVIT

CONTEMNIT HYDRAM GRANDIOR HERCVLES.

NON SVPEREST HOSTIS, QVEM METVAS

REGIBVS METVENDE REX,

VNVN HOC TIMES

NE TIMEARE,

ARMIS HOSTEM, CLEMENTIA TVOS VINCIS

ANIMORVM VICTOR ET ARMORVM.

INGREDERE



INGREDERE SOSPES ET FELIX  
AVITE DIVORVM SANGVIS,  
TVÆ PATRIÆ VOTVM, ET SPES,  
POLONÆ LIBERTATIS AVGVSTAL.  
INGREDERE FORTIVM CLEMENTISSIME,  
CLEMENTIVM FORTISSIME,  
TOTA LECHICI NOMINIS MAIESTAS.  
INGREDERE VITA CIVIVM, ET SALVS,  
CONSILIVM REIPVB. SENATVS ORACVLVM,  
MENS POLONIÆ.

TECVM TVA FELICITAS PARI MANV SCEPTA CAPIAT,  
TECVM TVA VIRTVS CORONETVR.  
IMPLE FACTIS FASTOS ÆTERNITATIS.  
ADDANT TIBI ANNOS SVPERI  
DE NOSTRIS ANNIS.  
ADDANT TOT SALVTES,  
QVOT NOBIS ERIPI AB HOSTE VETVISTI.  
DENIQVE


REGNET TVVSSANGVIS  
DVM REGES HABEBIT POLONIA.  
ANNVITE FAVENTES SVPERI.





## DEDICATIO.

**Q**Uæ Tu olim in omnium gentium oculis, ea nos aliquando in Tuis Trophæa tua collocamus, REGVM POST NATOS REGES FORTISSIME. Pauciores hîc literas, quàm Decora Tua numerabis. neq; enim aut tam celer est Stylus noster, quam tuus Gladius, quo paucis annis tot seculorum historiam Orbi dedisti; aut libelli angustia concludere potuerunt eam Gloriam, quæ vix cælo capi posse videatur. Aspicias tamen vultu, quo omnia serenas, religiosarum mentium deuotam Tuæ Maiestati obseruantiam, & aperto hoc libello, vt quondam aperto malogranato Cyrus vt plura verba, quàm ille acinos, ita plures Zopyros, quàm ille optabat, reperies. Trahit vndequaq; mortalium voluntates Diui Parentis Tui superstes in Filio Clementia, & ipse Thronus Tuus Humanitatis luce magis, quàm purpuræ vel auri fulgore conspicuus. Et nobis quidem vehementer optandum erat, vt iustum venerationis tributum Coronæ Tuæ Regiæ in primis debitoribus persolueremus; sed communi gratulantis Patriæ Regnorumq; omnium voce factum est, vt ultimi SACRÆ MAIESTATIS cultores laudatoresq; audiremur: si quid vltimum esse potest in ijs laudibus, quibus nulla finem allatura est ætas. Stabat eminus Apollo noster, neq; confertam tot populorum plaudentium coronam perrumpere poterat, hoc vno desiderium solatus; quod vel Oratoribus opus non esset, ubi gesta Principum perorarent: vel si esset, ij iam præmissi viderentur, quos ipse verbis quondam suis ad Regum Regnorumq; obsequia instruxisset. Ita demum accedimus, Regaliq; Tuo ingressui Trophæum verbis, & linguâ (nam re & manu vnus Tu potes) excitamus, non vltimum arbitrati, quod in primis Regum Fastis descripsit Æternitas. quanquam nec vltimi esse recusabimus, si Tu, REX OPT. MAX. inter Tuorum vltimos adnumeraueris.









sidr0023611

Biblioteka Jagiellońska



